



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti na sponzorstvo javnog dočeka Nove 2024. godine u Sarajevu
(Prijedlog)

Predlagač: Gradonačelnica

Obrađivači: Gradska služba za lokalno poslovanje

Sarajevo, oktobar 2023. godine

Adresa: Hamdije Kreševljakovića 3
71000 Sarajevo, BIH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav 1. tačka b. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada na __. sjednici održanoj dana __. __. 2023. godine, donijelo je:

(Prijedlog)

Odluku

o davanju saglasnosti na sponzorstvo javnog dočeka Nove 2024. godine u Sarajevu

Član 1.

(Predmet odluke)

Gradsko vijeće Grada Sarajeva daje saglasnost na sponzorstvo javnog dočeka Nove 2024. godine u Sarajevu, i to sa NLB Bankom d.d. Sarajevo kao generalnim sponzorom s iznosom sredstava od 100.001,00 KM i BASH A.W.G. d.o.o. Sarajevo kao sponzorom sa iznosom sredstva od 10.000,00 KM.

Član 2.

(Ovlaštenje)

Gradsko vijeće Grada Sarajeva daje ovlaštenje gradonačelnici Grada Sarajeva za potpisivanje Ugovora o generalnom sponzorstvu s NLB Bankom d.d. Sarajevo i Ugovora o sponzorstvu sa BASH A.W.G. d.o.o. Sarajevo.

Član 3.

(Stupanje na snagu)

Ova odluka stupa na snagu danom donošenja.

PREDSJEDAVALJUĆI GRADSKOG VIJEĆA

Jasmin Ademović

Broj:

Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav 1. tačka b. Statuta Grada Sarajeva („Službene novine Kantona Sarajevo“, broj 7/23), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Obzirom da Grad Sarajevo tradicionalno, kao regionalni centar najbolje zabave i javnih proslava Nove godine, i ove godine organizuje javni doček Nove 2024. godine u Sarajevu, gradonačelnica Grada Sarajeva je dana 03.10.2023. godine na službenoj web stranici Grada Sarajeva, kao i u dnevnim novinama „Dnevni avaz“ i „Oslobođenje“ objavila Javni poziv za sponzorstvo javnog dočeka Nove 2024. godine u Sarajevu kojim se pozivaju svi zainteresovani pravni subjekti sa sjedištem u Bosni i Hercegovini za dostavljanje Pisma namjere za sponzorstvo javnog doček Nove 2024. godine u Sarajevu i zaključivanje sponzorskog aranžmana sa Gradom Sarajevom.

Pismo namjere sa obrazloženjem zainteresovani pravni subjekti, sa sjedištem u Bosni i Hercegovini za sponzorstvo javnog doček Nove 2024. godine u Sarajevu, mogli su dostaviti do 10.10.2023. godine, uz naznaku: Pismo namjere za sponzorstvo javnog doček Nove 2024. godine u Sarajevu.

Shodno objavljenom Javnom pozivu, gradonačelnica Grada Sarajeva imenovala je Komisiju za analizu prispjelih ponuda za sponzorstvo javnog dočeka Nove 2024. godine u Sarajevu koja je izvršila analizu svih prispjelih ponuda u skladu sa raspisanim Javnim pozivom za sponzorstvo javnog dočeka Nove 2024. godine u Sarajevu, broj: 07-11-6602/23 od 03.10.2023. godine.

S tim u vezi, poduzete su sve potrebne radnje i aktivnosti te je dostavljen izvještaj o radu Komisije sa dvije pristigle ponude pravnih subjekata, broj 01/14-02-6781-2/23 od 16.10.2023. godine, gradonačelnici Grada Sarajeva.

Obzirom da su sve aktivnosti naprijed navedene komisije okončane dana 16.10.2023. godine, kao i da su pripreme organizacije javnog dočeka Nove godine već uveliko u toku, te računajući preostalo kratko vrijeme do samog dočeka Nove 2024. godine, smatra se da su opravdani razlozi za donošenje Odluke po hitnom postupku.

FINANSIJSKA SREDSTVA

Nisu potrebna finansijska sredstva u Budžetu Grada Sarajeva.